

Li The Sa La Nĩ nũ ba la ba

Tatai theingă

Bakyădò Bweca YeSyũ ka lailan blan a rĩkaĩ nu, tatahtaô tahtwăn aòhtan dõ Wein The Sa La Nĩ ta-aòblon kaũ nulò. PõLu thayũ tai laòhtan dõ anănthũ tayũ bakyădò Bweca YeSyũ lailan a mõnnũ laitaũ hõ a rĩkaĩ ũ cõ mwaĩ akhaucă, anăn tyan Li The Sa La Nĩ nũ ba la ba ũ nulò. Rĩdò Bweca YeSyũ lailan nu, 'Pra karăn kată dõ a htandido ta la pra,' ka aòlaòhtan dò ka htandido ta dò ka kălan taõ anăn dõ a mwaĩ Bweca nulò.

PõLu tai sankăn thalănthă Wein The Sa La Nĩ ta-aòblon phao dõ anănthũ mwaĩ kaõ ba tasărai săphai blănmè ka aòcein aòklôn dõ tayũ YeSyũ, kaba mata dõ talau-an thăthamaũ ngă cwaĩ PõLu dò a ngòn dò kaba aòmaũ ma taraò nulò.

Li The Sa La Nĩ nũ ba la ba a tapănpă

Tatai theingă (1:1-2)

Tadahtònhtan (1:3-12)

Tathwanlũ bakyădò Bweca YeSyũ talailan blan (2:1-17)

Tatai sankăn dõ ka aòmaũ ma cwaĩ Khrĩ phao (3:1-16)

Tamangaõ naòdwăn (3:17-18)

1

¹ Wein The Sa La Nĩ ta-aòblon phao dõ a yũcein phă Bweca dò Bweca YeSyũ Khrĩ thũ lahan kõ, khĩ PõLu, Sĩ La dò Ti Mo The pa

tyan li dǒ nathǔ aò nulò. ² Phǎ Bweca dò Bweca YeSyǔ Khrī takyǔ tanibwan dò tapeĩn tadwǎn ka aòdò nathǔ saô ka.

Tataikyǔ Bweca

³ Thapǔwai|thapǔwai, prayaǔcein tadau YeSyǔ thǔ kǒ, pa kaô taikyǔ thayǎn Bweca dǒ nathǔ akhaucǎ nulò. Mwaǐdǒ nathǔ dauhtan ǎhtan dǒ tayǔ dò ta-ai cǔ akhaucǎ, pa kaô taikyǔ Bweca nulò.

⁴ Thanudò, pa nǎnpicataǒ phikrau pa nǎn dò tai ba Bweca ta-aòblon karu thǔ lahan dǒ nathǔ kaǒ ba tama sǎrai sǎphai dò tama phran mayǎ blǎnmè nathǔ thauco thāco dò yǔ lei mǒ Bweca a rīkaǐ nulò.

⁵ Ta thǔ lahan ǔ mwaǐ takhǎnthā dǒ Bweca taciran mwaǐ tamwaǐ tacǒn dǒ nathǔ ka mwaǐ pra dǒ kaô dò Bweca sǔkǎn nulò. Dò nathǔ kaǒ ba tama phran mayǎ dǒ Bweca sǔkǎn ngǎ nulò. ⁶⁻⁸ Bweca mwaǐ pra dǒ ciran tacǒn akhaucǎ, bǎ Bweca YeSyǔ lailan blondò Bweca lanǎn dǒ akrau ayaò dau aòdò mīplī rawai nǎn khǎ, pra dǒ a ma sǎrai sǎphai nathǔ nu, ka kaǒ ba tasǎrai sǎphai mwaǐmwaǐ, nathǔ pra dǒ kaǒ ba tasǎrai sǎphai kanaǐ thǔ lahan nu, Bweca ka mamò cein nathǔ thā blondò pa nulò.

Pra dǒ a lǎkaǐ Bweca dò cǒ yǔ pa Bweca YeSyǔ tathanaò thasaǔ a rīkaǐ thǔ lahan nu, ⁹ ka kaǒ ba taciran dǒ a mwaǐ tacakaǐ cabya thaplaǒ thakha dò ta ka htaôhtan kaǐ nǎn dǒ Bweca langǎ dò dǒ a taphu takrǎ akrau ayaò a kaǔ nulò. ¹⁰ Blǎnmè, nathǔ nu, mwaǐdǒ nathǔ yǔ pa takhǎnthā bakyǎdò tathanaò thasaǔ a rīkaǐ akhaucǎ, bǎ mǒnnū ǔ khǎ, nathǔ ka maphu makrǎ dò dahtònhtan Bweca YeSyǔ a taciklicingǎ blondò pra cǎnsǔ dǒ a yǔcein nǎn nulò.

¹¹ Akhaucǎ, pa kwǐthabǎ thayǎn dǒ nathǔ ngǎ cwaǐdò Bweca akrau ayaò ka makǔ nathǔ dǒ nathǔ ka kaô dò Bweca takā, ka mabā mabwaǐ tama a raò dǒ nathǔ thayǔ ma dò tayǔ a tama nulò. ¹² Dǒ ta

tha-ů nu, pa Bweca YeSyů a myan ka nů ba tamaphu makřă dđ nathů aò, dđ nathů ka nů ba tamaphu makřă dđ a aò mwaıdđ pa Bweca dđ Bweca YeSyů Khrı takyů ta bwan akhaucă nulò.

2

YeSyů a talailan blan

¹ Thapůwai|thapůwai, prayaůcein tadau YeSyů thů kđ, pa thayů tai sankăn nathů bakyădđ Bweca YeSyů a talailan blan dđ pa ka sđnlađ aòblon năn a rıkaı nulò. ² Bă nathů nahaů ngòn tai dđ Bweca YeSyů lailan a mđnnů taů hđ khă, lablanhtai nathů thă cđ didaò didăn yaůkı numă. Ba cđ ba pra lahan ka nithů dđ ta-ů mwaı Thă Cănsů tamangađ, mwaı tasailanrwaılan dđ mwaı li dđ pa tyan nulò. ³⁻⁴ Rıdđ mđnnů ů taůlai nu, pra ăpra ka htandidđ Bweca dđ Pra karăn kată dđ a ka taů dđ tacakaı cabya lapra ka aò lađhtan dđ ka htandidđ tabă pů myan a bweca, ka tai dđ akrau ayaò dau khlđndđ Bweca půpra, ka naů sanăn aò dđ taluhyůn dđ ka tai theingă dđ a mwaı Bweca nulò. Akhaucă, bwaithă dđ ngòn ka cđ laòble nů nathů dđ khlai la bđn la bđn nuka. ⁵ Theinănhtan ka. Tarı takaı ů khı tai ba hđ nathů lă khı aòblondđ nathů khă nulò.

⁶ Bakyădđ Pra karăn kată nu, nathů theingă ta khran kaı năn aò cwaıdđ a ka aò lađhtan bă a saůkhă ba khă nulò. ⁷ Tamakaı makă ta akrau ayaò dđ a aòhu nu, căhtan ma hđ a tama nulò. Blănmè, ta mwaı cđ phihtan kaı takhran kaı năn nu, a lađhtan cđ da nukđ.

⁸ Htđdđ, Pra karăn kată ka aò lađhtan nulò. Blănmè, bă Bweca YeSyů lailan blan khă, a ka ma cabya cakaı năn dđ a talů dđ a uhtan dđ a gađ kaů dđ naů kaı năn dđ akrau ayaò nulò.

⁹ Bă Pra karăn kată lapra laitaũ khă, a ka aòbwaĩdò tasûtana khau dau akrau ayaò dò ka daòlaò tamanăn a pròn a prăn ciklicingă dỏ a cỏ mwaĩ cỏ cỏn ămyan nulò. ¹⁰ Dò a ka laòble nũpra dỏ a ka taũ dỏ tacakaĩ cabya thũ lahan dỏ takarăn kată khlai ă bỗn nulò. Mară tai mè, anănthũ lăkaĩ Bweca tahwă tangaỏ a mwaĩ a cỏn dỏ ka kăcein kaỏcein anănthũ nulò. ¹¹⁻¹² Thanudò, pra dỏ a cỏ yũ Bweca tahwă tangaỏ a mwaĩ a cỏn dò bathā ma takarăn laỏ pũpra nu, Bweca blai anănthũ dỏ ka yũ ta cỏ mwaĩ cỏ cỏn dỏ a laòble anănthũ dò ka ciran anănthũ nulò.

Bweca nirauhtan nathũ cwaĩdò

ka nũ ba takăcein kaỏcein

¹³ Thapũwai|thapũwai, prayaũcein tadau YeSyũ dỏ Bweca ai thũ kỏ, dỏ nathũ akhaucă, pa kaô taikyũ thayăn Bweca mwaĩdỏ Bweca nirauhtan nathũ lă a kahtĩ cwaĩdò nathũ ka nũ ba takăcein kaỏcein dỏ Thā Cănsũ akrau ayaò dò yũ tahwă tangaỏ a tamwaĩ tacỏn akhaucă nulò. ¹⁴ Cwaĩdò nathũ ka nũ ba takăcein kaỏcein nu, Bweca nirauhtan nathũ dỏ pa tasailanrwaĩlantathanaò thasaũ a rĩkaĩ nulò. Akhaucă, nathũ ka aò ba dỏ Bweca YeSyũ a taphu takră kaũ nulò.

¹⁵ Thanudò, thapũwai|thapũwai, prayaũcein tadau YeSyũ thũ kỏ, aỏcein aòklôn ka. Pỏnceĩ dò aòmaũ macũ tayũkh lai yũkh lỏn cwaĩ pa thwanlũ hỏ nathũ dỏ pa tasailanrwaĩlan dò dỏ pa tатыan nuka.

¹⁶ Bweca mwaĩ pra dỏ a ai pa dò dỏ akyũ anibwan akhaucă, phĩ pa tacipỏn a mwaĩ a cỏn dò tamamò thaplaỏ thakha nulò. ¹⁷ Cwaĩdò nathũ ka mangaỏ dò mata arĩ araò pũ myan nu, Bweca YeSyũ dò pa phă Bweca ka phĩkhau phĩ-ă nathũ saò ka.

PǒLu kwǐcicǎ cwaǐdò ka kwǐthabǎ

dǒ anǎn dò a ngòn ngǎ

¹ Thapǔwai|thapǔwai, prayaǔcein tadau YeSyǔ thǔ kǒ, pa thayǔ tai thǎ nathǔ, kwǐthabǎ dǒ pa ngǎ cwaǐdò ngòn ka nahaǔ ba Bweca tahwǎ tangaǒ phraǐ phraǐ dǒ kalǎn pǔ kaǔ dò yǔ nǎn cwaǐ nathǔ yǔ nuka. ² Kwǐthabǎ thalǎnthǎ dǒ Bweca ka mapaǔblu pa dǒ pra karǎn katǎ dò prakaǐ praka a cudeǐn kaǔ nuka. Mwaǐdǒ pra cǒ yǔ Bweca laǒ pǔpra akhaucǎ nulò.

³ Blǎnmè, Bweca aòdò a tathācǒn akhaucǎ, a ka phǐkhau phǐ-ǎ nathǔ dò mapaǔblu nathǔ dǒ tasûtana khau dau cudeǐn kaǔ nulò.

⁴ Cwaǐ pa mālan nathǔ nu, nathǔ aòmaǔ macǔ hǒ dò dǒ Bweca YeSyǔ a myan nu, pa yǔ dǒ nathǔ ka aòmaǔ macǔ leǐ mǒ nulò.

⁵ Bweca YeSyǔ ka daô theingǎ nāpau ǎhtan nathǔ dǒ Bweca a ta-ai, tabathā dò nathǔ ka aòdò takhanthadǒn cwaǐ YeSyǔ Khrī saô ka.

Pra pǔpra kaba ma ta

⁶ Thapǔwai|thapǔwai, prayaǔcein tadau YeSyǔ thǔ kǒ, dǒ Bweca YeSyǔ a myan nu, pa khran nathǔ, cǒ taukhaò tauwai thapǔwai|thapǔwai, prayaǔcein tadau YeSyǔ prayǔcein Bweca YeSyǔ dǒ a thahyûn mata dò cǒ aòmaǔ macǔ cwaǐ pa tayǔkh lai yǔkh lǒn thǔ lahan numǎ. ⁷ Nathǔ kaô sǒntòn pa ta-aòmaǔ thamǎ nu, nathǔ theingǎ raò nulò. Bǎ pa aòblondò nathǔ khǎ, pa cǒ thahyûn mata nukǒ. ⁸ Pa cǒ ankǒn aǒka ngòn ta la myan la myan nukǒ. Pa rwǎn mata dǒ mǒncǎ mǒnna cwaǐdò pa ka cǒ mapǎn masǎ nathǔ lapra la pra nulò. ⁹ Pa rwǎn ma ta, cǒ mwaǐdǒ pa cǒ aòdò takrau tayaò dǒ pa ka kwǐ nathǔ tamacǔ makǔ nukǒ. mwaǐ cwaǐdò nathǔ ka sǒntòn pa nulò. ¹⁰ Bǎ pa aòblondò nathǔ khǎ, pa thwǎnlǔ thalǎnthǎ nathǔ, “Ba cǒ ma nu, cǒ an ka,” nulò.

¹¹ Pa nahaŭ pra dŏ nathŭ klă lahan thahyŭn mata dŏ naŭlan madidaò didăn pra karu a tama nulò. ¹² Akhaucă, dŏ Bweca YeSyŭ Khrī a myan nu, pa tai sankăn dŏ mālan pra dŏ a ma tha-ŭ cwaïdò ka aòrī aòraò dŏ mata dŏ ka lau-an a thāthamaŭ ngă nulò.

¹³ Thanudò, thapŭwai|thapŭwai, prayaŭcein tadau YeSyŭ thŭ kŏ, cŏ thaubyā thākaï dŏ tamaraò ta numă. ¹⁴ Pra dŏ a cŏ aòmaŭ macŭ cwaï pa tayŭkh lai yŭkh lŏn thŭ lahan nu, cwaïdò ka theingă pănyălancein a thā ngă mè, cŏ taukhaò tauwai anănthŭ numă. ¹⁵ Blănmè, cŏ bwai anănthŭ cwaï dido numă. mwaïmwai, bwai anănthŭ cwaï thapŭwai|thapŭwai, prayaŭcein tadau YeSyŭ dŏ thwanpaò anănthŭ ka.

Tamangaŏ naòdwăn

¹⁶ Bweca YeSyŭ Khrī dŏ a mwaï tapeïn tadwăn a Bweca ka phī thayăn nathŭ tapeïn tadwăn dŏ kh lai pŭ bŏn a kaŭ dŏ aòdò nathŭ saô ka. ¹⁷ Khŭ mangaŏ raòrī nathŭ dŏ khŭ cudeïn tatyan nulò. Ũ mè mwaï tamanăn dŏ khŭ tatyan pŭ ba a kaŭ nulò. ¹⁸ Bweca YeSyŭ takyŭ tanibwan ka aòdò nathŭ saô ka.